

Cria di bacata aumentando na Aruba

ORANJESTAD(AAN) -- Na abattoir hopi criador di baca, porco, cabrito y carne ta bay hiba nan animalnan mata pa asina yega na placa. Mirando e cifranan cu DIARIO a obtenen por deduci cu cria di e animalnan aki ta creciendo poco poco.

A pesar cu April no a termina ainda, compara cu aña pasa Januari te cu fin di April tabata tin 8 baca, 397 porco, 230 cabrito y 334 carne mata.

E aña aki di Januari te cu ayera a registra un total di 10

baca, 176 porco, 155 cabrito y 210 carne cu a worde mata.

Aña pasa April ningun baca a worde mata mientras cu e cantidad di porco cu a worde mata tabata 135, 92 cabrito y 150 carne.

Compara cu e aña aki a pesar cu te ainda no ta fin di luna, por constata cu ya 3 baca a worde mata, 42 porco, 30 cabrito y 55 carne.

Segun informacion cu DIARIO a ricibi, aparentemente matamento di porco y carne lo subi pa e dianan di

fiesta cu ta dilanti di porta.

Na Maart 1988 a pisa 6268 kg di carni di porco, 2421 kg carni di cabrito y carne y 515 kg carni di baca.

Pa compara luna di Maart 1987 y e aña aki por constata cu tanto aña pasa como e aña aki a mata dos baca. Pa loke ta trata porco aña pasa tabata 141 y e aña aki 112 cu ta indica un reduccion di 29 porco. Cabrito aña pasa tabata 62 compara cu e aña aki 61 cu ta indica un reduccion di 1 cabrito.

Aña pasa a mata 68 carne compara cu e aña aki 91 cu ta señalá un aumento di 23 carne.

Na Aruba actualmente tin varios persona cu a cuminsa

cu cria di baca y poco poco por constata cu esaki ta subi.

Hopi di esnan cu tabata importa baca for di Colombia a stop ya cu por tin hopi riesgo cu e carni fresco aki.

Padvindernan ta celebra dia di Sint Joris

ORANJESTAD(AAN) -- Stichting Katholieke Verken-

ners Aruba, ta invita tur welp, verkenners, leiders y leidsters tambe padvindster pa celebra Sint Joris dag dilanti Centro Educativo na Oranjestad.

Esaki lo tuma lugar Diasabra 23 di April.

Sint Joris ta e patrono di Justicia di e Stichting Katholieke Verkenners unda cada aña nan ta recorda e hobennan, cu onestidad y husticia ta na promer lugar den bida di un scout.

Pa 7.30 or di mainta lo tin hisamento di bandera caminda lo tin instalacion di Welp, leiders y leidsters y "overvliegen" di welp.

Durante henter dia lo tene guardia di honor na e banderanan.

Anochi lo tin un "kampvuur" ariba tereno di casibari.

Show

Cont. di pag. 5

Primavera; comunidad di Aruba ta keda cordialmente invita pa presencia e shownan folklórico di Porto-Ven.

Actuacion di grupo Porto-Ven den Cas di Cultura. Un show special y varia lo ser

presenta na Cas di Cultura ariba Diahuebs, 28 di April pa 8.30 di anochi pa publico general. Grupo Porto-Ven lo duna un presentacion varia di musica y baile Madereise, Portugues y Venezolano.


Carchinan pa e presentacion na Cas di Cultura ta obtenible na Plaza Bookshop, Van Dorp y Marisca; tambe por cumpra carchi na Club Primavera (net pa'bao di garachi di Arubus) y na Cas di Cultura prome cu presentacion ariba 28 di April.

Ariba dia 29 e grupo en cooperacion cu Instituto di Cultura 'Aruba', ta duna dos show den Cas di Cultura pa alumnonan di school.

Bonbini

CARIBBEAN MERCANTILE BANK

ORGUYOSAMENTE TA INVITA PUEBLO DI
ARUBA PA BISHITA SU OFICINANAN MODERNO
Y COMPLETAMENTE RENOVARIBA
DIARAZON APRIL 27, 1988 ENTRE 5'or Y 7'or P.M.



NA NOS OFICINA PRINCIPAL DEN NASSAUSTRAT



Caribbean Mercantile
Bank N.V.